


范伯子詩集

韓國鈞
題籤



溫州府 印 書 院

范伯子詩集卷十

光緒二十一年乙未里居及江甯至二十二年丙申里

居作

至延卿家拜母壽而爲之題客中所畫故鄉圖

一角明霞起暮天
桃花紅雨爛相鮮
由來風景隨人換
不似離家慘淡年

我亦離茲十餘載
艱難百變始重來
門前似有參天樹
不向天涯其劫灰

王母雖然鬢上霜
勞人相對感年長
驚心一海身如粟
那更漂搖八海旁

風雨收身此一廬來回照影夜燈虛夢中說夢渾當覺鄉
裏尋鄉計未疏

約定翻爲流淚言世間真乏武陵源從容一夕談何易莫
更開圖戀此痕

和顧姓谷六十述懷詩八首

奄忽不知爲別久各天相望自年年憐渠入世將低首不
謂長吟待聳肩對案自誇連理樹停觴終感上留田人情
剝盡無哀樂那不欷歔謂汝賢

南山山翠滿衣沾難美當時有具兼醉解煩因如脫鞵間
爭險韻類遭箝連天宿草今何世徧地皋蘭路已漸生死

評量阿兄最贏人十倍取能廉

自我言從李相公短衾夜夜夢牛宮進無捷足爭時彥退
有愚心愧野翁涕泪乾坤焉置我窮愁君父正和戎時危
復有忠奸論俯仰寒蟬祇自同
風雨寒廳擁故瓊回腸一夕與冰堅任甘溟滓無還日遂
酸醮醢有醉天窮海蛟螭徒脫網春風牛馬自盈阡心頭
歷歷何能說復有陳生感寓篇
吾土奚爲世所爭迂儒逃責一身輕汝南太守思曹掾蜀
郡成都見使旌誼士定悲言路啟英流誰惜大名成與君
同是卑卑者儻爲時艱喻此情

杜甫歸來詠北征妻兒憨態一時呈債錢萬里知心許買
宅一區殊眼明隨分蝦魚臨水得不材花木亂雲生閒來
獨恨招攜少曷不同歸海上城

爲政風流亦一時悠悠百歲我何持居然有婦如康子頗
復驕兒類衮師別後籍鄒從所適生今代厲短於辭饑來
共以哦詩樂遏絕毋令後世知

誰能二頃割膏腴兄弟關門絕世途但解揚雄有貞操何
曾李白炫良圖亂餘生計應難問靜者心神固又殊君把
斯篇投萍社看渠能著一塵無

海嶼雪深花盡落問君爾曷到來遲蛟龍豈但魚蝦伍鴻
鵠今爲燕雀知一技可憐窮未改萬方甯有道能隨樓臺
結蜃傷心地暫以浮生作合離

贈張香濤尙書

嶽嶽崇山旣見餘坐看風雪渺愁余干時賸有屠龍技乞
命來分養鶴符道好終於閒處見談深徒益客中吁詩書
未必真無用淚眼乾坤只一儒

與柯遜庵兄別十二年再晤於江甯而有是作

琴臺一夢江湖涸鐘阜再來天地冰君旣生兒差其慰我
餘得婦略堪稱西無鳴鳥饑誰哺南有老蛟寒待習等是

蹉跎行不得可憐攀望若飛騰

香濤尙書將移鎮湖廣而余從之乞近館再呈二詩
詔以尙書還治楚細民垂泣欲攀轅帝將雨澤無分士臣
嶼一波有閉門近海尙移杯水活極天終讓一山尊韓書
三上吾能恥華髮淒其不可言

文章自昔爭微何顏色於今試一看那便驚心到譽毀可
堪合眼露饑寒龍非碌碌諸公好鶴有飛飛八海寬正苦
低回惜同命斷長鎖向君彈

余之來尙書寔招之乃淡交既接而毀言日聞故亦

聊有所云以觀其俯仰

旅中無聊流

詩至於干首有感於黃公度之

人之詩陳伯嚴贈公度詩有成兩律以相贈千年治亂餘今日四

海蒼茫到異人之句余
故惑於是而發端也

誰謂君為異人者我觀君道得毋同詩言起訖一生事眼

有東西萬國風燕處危巢豈由命龍游涸澤竟無功便偕

鄒子論三樂也讓行歌帶索翁

愁來遍攬前人句讀至遺山興亦闌容有數聲人清聽何

曾一氣作殊觀乾坤落落見君好冰雪沈沈相對寒臙恨

揚雲猶賤在不虞千世少人看

題其後曰詩意若曰公度之人處於今世則不能異人

而公度之詩傳之後世則誠異耳然此二詩乃不能絕

佳故知贈送之作必若李白所謂揄揚九重萬乘主謔
浪赤墀青瑣賢方足以盡其磊落之概至以同道相贈
答雖杜公懷李諸作亦殊乏奇觀何者其氣平而其志
莫由深隱也公度以爲何如

戲爲劉錫彤題其居停王欣父夫人畫蘭以調欣父
天壤王郎富貴遲重逢鍾阜鬢如絲惟餘韻事鷗波舫手
寫芳蘭有萬枝

由來諸子是蘭芽筆下英英盡著花亦有文房善培養只
除老鳳不須誇

修羊瑟縮知無幾贏得生綃貺異珍莫笑范丹輕點綴異

時加值一千緡

余以歲暮寓金陵無聊而爲劉園九老圖作序序成而感不絕益次其詩

不道吟懷逐日殊
迂生亦自恨爲儒
何曾肝膽非人世
徑欲鬚眉入此圖
蘇季名聲焉用大
馬卿車服爲誰都
但看諸老能轟醉
賤子猶堪一一扶

由來欲語竟無儔
莫問清流更濁流
迷眼黃塵能百丈
語人青史已千秋
存亡大事直如此
飢飽餘生遍可遊
野有桃符知換歲
山農聊作太平謳

贈王賓基寯基兩生

我之徒曰李剛已頗揖梅曾拜韓李我有兩子罕最佳
汎濫周秦漢諸子亦若我壻陳師曾卍角聲名挂人齒茲皆
足以娛吾年老死蓬蒿弗恨矣何哉訪舊來汝門見汝兄
弟竟如此詩有不煩繩削成胸襟所懷益奇詭莫我歲晚
窮途間昊天哀憐用相侈百夫之特千人英看我從頭下
鞭錮汝賓生是穠華才屈宋班張惟汝使弗於郡國擅風
流要向明堂歌喜起汝寓得氣滋益多已有清言發如水
此宜拓地成河江眼底一泓烏足喜噫乎得師良獨難古
有高才化為俚我之得汝魚水論汝亦應將風虎比記取

人間又公一詩吟信言門僅三士

夢中得一絕

洋洋荻浦鷗翻入漠漠平林鴉暗棲
惟有高高夜來月照他獨鶴一聲啼

讀曾文正道光乙未歲莫雜感詩慨然畢次其韻十

首

作者天人去不還世間餘我小
偷閒懷風黯黯青燈字負雪
鬼鬼白下山貧賤幾何身亦老
文章無用臭相關涼涼後死君
知否六十年光指顧間

營營百族自爲家亦有瑰文各自華
時晚偷爲一切計雪深誰是萬年花
人情見好惟朱紱物態籠詩有碧紗
行矣

歸休無一可寒溪聊把凍魚叉

六朝煙水餘蘭槩九度霜風困棘闈
直自科名拚永棄於今歲莫轉忘歸
龍來涸澤魚應笑鳳去荒臺鳥自飛
勞苦諸生頻載酒噫嗟吾道尙傳衣

上馬雲漢駟虬征下向滄溟掣巨鯨
往矣平生真自可悲哉寸步莫能行
縞廬寒雪一相弔號竅陰風百不平
最恐娛權有同盡隔年春不到寰瀛

吾友真能蹈大常一生袖手弗奔忙
皇天獨把斯人厄比歲連將諸弟殤
未免親朋來勸駕誰能傀儡再登場
人間笑罵今逾我忍盡寒饑道不光

遷史由來竟謬悠諸公直筆紹春秋是非各以麟千載今
古原如貉一邱掉尾長鯨歸上國垂頭大鳥集神州閉門
忍死誰能免遍地荆榛何處遊

吾儂萬事總蹉跎忍更聊浪學放歌正苦夢深求醒未可
憐歲晏得閒多願爲馬走顏滋戚柔若騶虞齒竟磨海上
鰕生細鱗耳倘將茲憤向龍鼉

客堂豈免食無魚諛頌偷私百不如暮夜卻金甯足道亨
衢懷寶未云疏和親自古爲中策封禪誰知是謗書磊磊
一腔男子事祇留自賞弗關渠

剪燭重吟太傅詩雖然少作耐人思有生不與此公值竟

死毋爲流輩知北海豈煩涉南海西施何以學東施從今
筮得天山遯清濁茫茫付兩儀

柯蔡當年誓爲好王黃二子結交纔焉知盡識愚心否且
喜眞能笑口開不覺歲除爲此別未緣饑死會重來噍噍
復有一言贈何處人間無雉媒

劉園五老招飲於李蔭唐齋中饌極精卽席賦謝

一范窮愁正無奈天邊五老忽飛來百年人物無囂氣八
簋調停有俊才渴口逢羹湯沃雪空腸得酒水鳴雷勢交
利接黃塵滿拜德尊文此一回

有所憤歎再次曾文正後歲暮雜感五首

到眼不可耐君猶何事忙戎夷交狎侮婦稚亦猖狂世有
臣忠厲而將國難忘文思誰作俑吾欲問陶唐

重門洞豁豁廣路一條條歌哭餘三戶英靈赫四朝泰山
頽莫仰衡嶽氣應消開府今之傑將何答舜堯

四載熱邊過死灰終不溫窮饑焉有道禍福固知門執國
無中立憂讒遂負恩誰知九州錯鑄就一寒暄

全海不得有能爭彼一隅古之俠烈士不在康莊衢大木
從根起好花須葉扶君知才竭否墮地盡爲儒

淚有不濟處發聲仍一歌哀絃原可聽雄劍未須磨人弱
將天困醫多奈病何吾知百無用徑合死巖阿

次韻王欣父三郎賓基

乃父千愁興不闌更能爲我薦春盤
蕤羹鬱鬱撐腸入蘭玉森森滿眼看
大德固當爲左券危時何處不南冠
與人無患世無競羅雀門庭來杜韓
吾觀叔也爲雄句破險樵幽各造端
曾是小松二三尺俄如修竹萬千竿
時無他助借山石聖有微言觀水瀾
徒博王生老人喜勿愁范叔故人寒

欣父席上戲述

違心不是陳兄肉可口真如宋嫂魚
怪底王陽能駭俗厨人亦自鬪羸輸

余辭金陵從新修馬路出城口占一首示王生

廣路悠悠八尺強沿緣夾道盡修篁名都十里埃塵靜開
府一年心力長瓦礫知隨陶甓去輪蹄紛及孔輿忙問津
且喜無煩爾免被耕夫笑一場

下關遲番船再作

峩峩兩鬢雪山白飄泊一身江水寒送別門生悲杖履迎
談津吏式衣冠腐儒拙分能相告亂世浮名不自安且喜
茲遊未云滯早歸負米博親懽

李草堂丈來餽海鮮索去年詩扇遂書二詩并錄近

作

海鮮入朝饌詩老乍停舟奚以隔年負而忘暇日謳謀生
有饑飽學道與湛浮贏得心聲在能關作者不

淑氣天所與承之老不衰興隨春水發思與暮雲遲瀕海
孤居在橫流一杖支帑鞬吾極樂來與老親宜

與內子登狼山遊讌極樂內子先有詩而余次其韻
世態更改年復年山色向人無變遷所以古之倦遊者往
往歸結青山緣嗟我蓬飄二十載今來共爾東南天越從
戊子作重九十年不履茲山巔春初與人觀野燒賓從雜
還如流川此間豈容爾我迹輾轉期待秧分田山空人靜
雜花發攀登一覽心懽然平時未知缺幾許及此方覺吾

猶全身之得閒賤亦好饑飽在後何須錢惟以佳人古難
得同時郭李云如仙白頭相守亦相喻此樂未被旁人先
三千大千泡影置當時如來豈不賢四十年閒阨窮漢惜
無此趣能少延如今與爾共生滅在家何取忘家禪一日
看山未云少百方清興來連連浮雲已向空中失落日猶
在天邊懸臨門一照長江水人與山容皆靜娟

是日也丙子先歸余留與山僧海月爲連夕之談蓋
不宿茲山者十七年矣海月多詢世間事余乃疊

前韻示之以詩

山中一去知幾年深谷大陵坐而遷閒人不與興廢事歌

場舞地稍沿緣傷心涕仰不可說萬事人擎奚由天星火
能成燎原勢寸木可置岑樓巔精衛銜深碧海底杜鵑啼
徹東西川嗟我於人在誰數身所得保惟硯田妄論是非
益可笑就徵聞見心赧然惟有舊吾向妻子征車一拂寒
饑全此誠固然何足道那辦人謂公多錢人間肺腑各殊
狀壞若奇鬼嬾若仙或爲鼠目寸無見或復智出靈龜先
今汝何心亦有問周知世事烏爲賢東山涼月向西嶺君
宜火速清樽延天崩地塌細故耳徑可了卻無須禪當時
黃泥隱吾蹟三月五月權相連馬王故人盡偃息吾若虛
幌茲猶懸可憐對面成老醜感歎臨風懷麗娟

延卿讀吾夫婦山中詩而有贈次答并泥其行

忽憶年時結交早我自童孩君亦小低首風塵三十年歸
來拂面猶奴好條支弱水事荒唐員嶠方壺亦虛渺惟有
沈沈對榻心時夜無言入幽妙那弗撐持譽毀間祇能不
使憂來悄人生墮地饑爲患攫食紛紛用牙爪固知一飽
懽無餘剩欲飛騰詎難了我自哀吟鳳德衰剪翎送籠願
看鳥涕泣低回未死身譬已先秋望春杳蓋地繁花旣作
泥一命輕微亦如草好人好山天與之展玩斯須殆爲寶
君來況肯和我歌百壺吾欲爲君倒更待山中十日遊出
門還家各自擾與君形影暫莫分且待梁間燕雛老

僕婦彭氏余夙聞其傭力事舅姑茲其來書言頗罄
餘貲爲父母營葬而乞余詩以道其勤苦云

匹婦誰能侮民彝亦在茲艱難完爾分辛苦望吾詩遼海
爲家日荒江別主時向來原可念矧以善來貽

奉和外舅都門寄詩用辭某某君之聘兼述近況寄

懷昔日天津諸公

月至中秋夜當午遠望長吟思益苦折翮分飛路幾千素
心寥落人三五竟無書來事可知各自低頭拜僮父丈人
一官尤可憐譬彼枯苗望時雨醉後猶吟索米詩夢中莫
聽回帆鼓昔日同羈東海頭曾於高阜懸清眸朱門水閣

炎炎夏客館疏簾脈脈秋但道愁人設心早當機一發事
如流安危不知燕巢幕饑飽無用鷹在韝吾徒默默有去
耳豈曰四海無人投逡巡再至風塵下北海南海竟風馬
劉表依然享盛名葛亮何能擅奇雅淹淹故徑被臯蘭寂
寂芳洲懷杜若已知辨俗各聳韶更弗將蟲語冰夏端居
窈窕誰爲容秋山突兀撐晴空夫婦吟攜薜荔徑父子答
和蒿萊宮息心已類籠中鳥舉目忽覩天邊鴻辭親弗復
能千里食我誰當以萬鐘寄語宣南念我者竭來貧病味
加濃果然啜菽能爲子且復含飴學作翁

疊韻速內子和章

人生所遭有舛午正足吟詩相勞苦不見而翁饑困餘唱
到城南天尺五馬卿畢竟未空居葛生且喜吟梁父昔之
達者今人英各有低回在風雨事雖未易一二言氣亦何
妨再三鼓我欲直登天上頭攀天下視徒昏眸五雲輝滅
海色暗一樹飄零天下秋試想賢愚定何物只今涇渭已
同流鶴有乘軒坐糜俸鷹有調馴不去鞫燕雀紛紛噪餘
粒老鳳茫茫何處投我欲低心隴畝下譬以耕犁屬之馬
手足終難任苦辛草茅亦但資風雅逝將入道味真玄卽
欲逃禪無般若祇爲儒冠誤此身俯仰依人閱冬夏朝來
默默窺天容寒氣肅殺凝高空初筮已賡履霜操微陽未

入黃鐘宮江湖莽蕩百物醜翩然照水無驚鴻問君胡爲
不自喜冒此靈秀天所鍾觴有薄醪可以酌池有蓄墨方
酣濃天南地北愁無限火速成詩慰兩翁

晚過延卿廬見其日間所爲雜詩感誦再三援筆

和之

不道年年哭笑同相逢更不論窮通逆天作計吾何惜萬
古無如江水東

卽將來日付蒼茫轉是安心第一方山鬼有靈知慕予水
仙無位亦稱王

楚南石多纔少人祇今頑石獨吾身空庭夜氣涼如水偃

言集卷十
三
仰滂沱有鬼神

俊遊奚事馬蹄驕亦弗湘波訪二姚眼底欲成悲壯事相
攜同看海門潮

喜叔節來而讀其詩益有感於時也贈之一首

江回海合夜臨城月落烏啼夢乍驚喜以西風成興會恰
看東日與光明沈疴往復歡能解舊學商量淚轉傾不必
有文如庾信已知蕭瑟送平生

賀李草堂丈七十自壽卽用書懷

問君何術得遐齡長向樽前醉不醒世事已隨流水澹筆
情遙與海天青流傳不必邀聲譽雕琢何曾礙性靈今日

哦詩在蕭寺天邊應有伍喬星

人間攘攘此何時宛馬西來萬謀馳奪爾詩書甯不餒顧
茲吟弄得非癡儀秦有約終須敗管葛無才我自知浮海
人江無不可南山片石是吾師

刻意爲文亦損真空持蠹簡不能神無端頓失平生技念
我何爲今世人感激應成臨路歎迷離終作別家春宵來
一夢侵寒怕冰雪樓臺卻絕塵

安得希鞞侍几筵醉留親客話窮年故家喬木皆何在寒
月梅花不似前白髮最能齊得喪黃塵終不別愚賢閉門
曲盡人間樂一物能慈信有天

幽靈人間樂

不似言曰

一

一

人

人

人

人

人

人

范伯子詩集卷十一

光緒二十三年丁酉里居至二十四年戊戌廣東作

苦雨不寐太息作示內

夜雨連綿復侵曉予懷落寞更憐卿年饑豈少一盂飯心
死誰爭萬口名正以海渾魚欲逝顧茲花落鳥難鳴人情
各有銷魂處吾獨誰爲遣此生

次答延卿莫春見懷之作

卧想前人底用書沿緣真到禍來初彌天事業君無望似
水情懷我不如風馬談心猶可及雲龍喪氣欲何噓今來
略解淫荒趣悔不身爲竭澤漁

鄉閭排日作餘春喜笑悲憐未失真不信埋藏能卽死由
來昏憊亦通神米鹽瘁矣鸞儔老城郭非歟燕壘新撫惜
流光豈勝歎酒餘糟粕是吾倫

秦州官廨乃十八年前親見程悅甫刺史創造落成

者今以陸筆城刺史之招而復來此撫今追昔愴

然成詩

程鄭當時費萬金再來桐樹已成陰百年聚散堪僂指一

士升沈尙痛心

謂袁

已矣少年垂老盡依然淮水到江深

陸侯情重今如許聊以高齋續舊吟

題故友文右泉花石畫幀與延卿同作

昔在湘南得此人攜歸石室伴吟身
摩挲未解饑寒累獨使東來畫有神

吾去天涯能幾歲君於吾里變新陳
祇今便覺錢難買一石一花都可珍

顧子蒼然非好事當時亦獨此人親
人間意味知何物不必蚩蚩問夙因

愁裏生涯原是幻醉餘感歎亦非真
何妨更以吟兼畫併作千秋紙上塵

項晴軒以所藏先勳卿公手書卷子及舊刻顏書裴將軍詩命其子本源來學將以爲贄賦謝一篇

項君好古羅奇珍異字名迹芳紛綸項君有子亦瑰寶遂
與顏閔爭爲人君蓋未知其子美亦欲使之來問津聞吾
斯言倒相屬惟恐此諾非純眞有題東林尺二卷乃我先
德明孤臣亦有顏書四體字世間舊搨無其倫此皆君所
自怡悅與人論值能千緡壹使其兒贄諸我割捨重器如
微塵所云非望得之易那無忌妬招人神且喜郎君菽亦
好前日所見苗懷新成之非獨損君竈亦使吾老愁當仁
以此較然信可及永保君貺無沈淪振衣遂拜百年賜作
詩一締平生因

次韻外舅竹山君南漳寄懷之作

貧深絕計慮病久無胸期有生各自保亦復何傷離偃仰
庭蒿間覺夢皆遲遲昔遊之所得既見吾生微東方荅客
難譬彼鷺令飛官卑問遺行此語今亦稀杜甫有拙性自
比傾陽葵葵心若無改汝甫將安歸廢然罷詩卷拂拭辭
書幃何哉竹山老復作吟相依

竹山我婦翁作詩念其壻哀哀上堵吟賡倡以百計欲語
兄弟行留心記篇第雖無偶語禁懼有連殃際凡今章縫
人一一可悼逝而我亦何爲追涼趁宵霽都門弟有書寬
言釋離袂苟竊科名閒且以永今歲來日誰知之毋勞遠
心繫

東郊夜行

東郊夜行路一水阻前津擊柝是何處吠厖遙與親繁星
開笑口獨樹儼吟身回遠亦何礙毋勞問睡人

輓徐芙雙

城郭諸徐零落盡相逢藹藹獨斯人曾無急行夸吾黨素
有閒情樂我親半菽從來知冷暖一炊俄已變新陳臨歧
恨抱經時病試數殘更淚滿巾

余方卧病君從 吾大人
嬉至二更疾作命僕送之

四更而
君逝矣

少小聞君友悌聲幾年遊讌共君昆間時備識怡怡態別
後同談鬱鬱情八口長饑無療術百年短夢有歸程

一夕鴿原痛兄弟真當五晦耕

故人子弟豈無才死卽蕭然盡可哀惟有徐卿兩郎在能
堪范式一頭回羣公各以艱危起百福都從孝義來聞善
有基應破涕從今門巷不蒿萊

將之廣東與州牧汪君及季直宴集水心亭用得諦

觀汪君之雅意并有嘅於席間所談賦贈二首

莫怪鄉賢人不識茲樓吾亦澹忘之行行復有幾千里戀
戀纔能一二時草樹盡含良牧意風煙長繫旅人思異時
潭水縈歸夢應拂沿隄柳萬枝

一樹頽然臨水折自公培壅復欣欣固知凡物有生理安

得盡人如使君叔末年光更無賴腐儒拙分益何云殷勤
欲問天南使星火來徵詎有聞

海舶朝停午市譁紛然時局已如麻君猶欲穩中流舵我
乃愁無下澤車舉足便應身似梗當筵猶喜藕能花行吟
坐嘯皆無賴且把無涯作有涯

余以許仙屏中丞促赴廣東至則渠以裁官去矣初

宴賦贈二首

雲來會與龍爲戲天外橫風吹斷之豈有厄窮如賤子更
能好會在今時還家笑樂千山待爲客倉皇四海知一展
平生吾已幸不妨覲拜話將離

生晚十年吾已矣居常默默問湘源雲龍鳥後無奇紀風
馬牛間有舊恩翁合文章真欲涕迷離家國更何言天南
忍死須臾住隔嶺相看道履存

七月三十日疊韻書懷

今日普天還舊政先生所挾亦何之平生爲口無多望逆
旅驚心又一時人去誰憐屋烏好詩成愁有蟄龍知無言
百怪生南海赤縣神州遍陸離

大地橫飛千尺水誰能一一問根源山川老矣還多事天
地茫然欲少恩容易豈能除漢過等閑何至託堯言若非
硯墨猶相活刮絕吾文更不存

讀裴伯謙兄詩卒業題句

伯謙爲詩故不伐閒心偶遇春華發泊乎憂患走滄溟亦
有雄文在飄忽嶺南六年君始奇吏才每共詩才竭骨底
寒深氣益高積水一輪秋後月

爲莊秉瀚題其外祖張仲遠先生道光戊戌海客琴
樽圖因有感於時事卽以砭莊生之狂

秋盡寒生日月邊對觴誰免百憂煎欲從畫裏論儔侶正
得壺中有地天信使莫先箕子國文儒各以鄭君傳琴樽
諒在羲皇上可但區區六十年

莊生識古便能狂及我流連大父行才士本爲時貴賤冥

心忽與世低昂臥聞燕市前宵雪坐覺羊城八月霜爲愛
遷書語楊幼人間無地著哀傷

九日登白雲山最高處弔燕市諸人
千里百里風淒迷自成俗祇有飄飛萬里身走入眾中無
縛束一歲兩歲間沿緣遞歌哭祇有埋藏百歲人每日看
山猶不足我行亦何意忽在天南頭登高作重九遂入番
山幽四山丹堊盡邱隴壯者或是公與侯能仁一寺在山
罅門前豁見江天秋田疇蓊然稻三熟毗戶飽煖真無愁
何哉粵人好作亂輒出擾我東南州人之有才不自己仍
視風俗爲剛柔尋常聖與盜截然如異才藉令易置之何

必如是哉水土浸淫耳目染敢作狂欺蹈深險風之所至
眾趨之飛蛾歷歷投凶燄嗟哉誰是奸人雄豈有大略煩
諸公眼前寂寞不可耐使我哀吟空谷中

更爲秉瀚題仲遠先生比屋連吟圖依梅伯言同風

二韻作四絕呈其尊父心嘉司馬

學子論文各殊異庭堂至味總齊同平生最有池塘興祇
覺神傷柳絮風

說到詩書金玉賤讀書那弗一家同吾家娣姒皆華萼不
獨怡怡鍾郝風

吾婦能爲擘窠字規撫若與婉紉同昨來叔重評詩句言

有采蘋王氏風

婉紉仲遠姊適孫者其書頗爲賈人居奇采蘋仲遠甥也許仙翁刻其集

桐城派與陽湖派未見姚張有異同我與心嘉成一笑各從婦氏數門風

留別伯謙仲若二十四韻

別離長情愫疏澹益交道所以此番來有逾向日好堂上天人姿惟我識淵抱至足猶自強造物不能老吾兄昔嬾吟與我共郊島勢驅來官中志動立起稿沈沈百寮底昂頭有蒼昊倦極一相娛窺魚驟依藻令弟非世人天性日浩浩愛兄並憐我晝夜問寒燠我崇堂上心與以學相保詩書百年物終焉弗論早我弟新入官此獨憂心擣仕學

兩茫然舊德慮難葆黃河青岱間行迹復草草想見兩老人愁添鬢邊皓嶺表繁花時江南雪已縞寒衣且寄渠誰能問梁稻感此迫欲歸所業須後討無爲惜暫分來旋速於駝人間孰愛憎緣意作喜惱意輕泥沙如意重卽瑰寶世事雖忽焉至情未顛倒豈其閱茲權而令迹如掃

盛季瑩招飲贈詩且有相從爲古文之語次答二首
海濶山遙有萬程何緣殊俗得同行故知覲面能尋味不必將心與締盟僕僕經過幾行省姝姝還是一先生微吟得自市聲裏甯用幽谿懷釣耕

驛路梅花發幾程離亭張宴酒初行逍遙鵬翮吾知反浩

蕩鷗心汝可盟謀稻終成無奈計爲薪亦是有涯生居今
獨喜身猶賤誰者能從卽耦耕

觀伯謙斷獄退而飲酒方知是日爲其生日也詩以
祝之

萬眾喧喧堂廡間一人靜者氣逾閒何曾快意施醲化但
有傷心爲梗頑四海祇今膏血盡百年容易鬢毛斑傾盃
祝汝詩千首臨老分吾江上山

從方子順手中讀李燕伯索和之二絕因知其爲人
走筆和之

擾擾紅塵有萬心門闌界絕不相侵何緣一照明河水同

人人間芳樹林

秋風悵眺越王臺求友哀鳴識子纔聞道欽州賢刺史剛
從雲海洗心來

題如皋縣尉王復初手寫一生辛苦臥秋風圖意

亂世爲官不救貧丞哉不用況沈淪凌雲賦筆銷難盡猶
有湖州鈍道人

苦辛甯用悼耕牛嘆鳳嗟麟死亦休飽飯南岡沈慟語君

看滿地稻梁愁

健庵題有識字耕田無一可最
難飽飯臥南岡二語故和之

風波

風波纔有幾四顧已無人獨以聊浪意當茲與海親坐須

長夜日一行數舊年春貧賤吾真可逢危鬥健身

然

公

知

亦

如

理

能

公

國

不

州

温

范伯子詩卷卷十二

光緒二十五年己亥八月至廣東不果留滯上海作

屬師曾圖耕陽阡於扇頭泣志數語

嗚呼父兒今上路誰與守父墓圖墓門寄虛慕慕亦有窮
時哀來亦有住人間逢權場毋然棄此而不顧

爲徐積餘題王淵雅夫婦所書前後赤壁賦卷子內

人同作

文章應時出撫擬喪天真楊班踵相襲獨嘯知無人河洲
化遠矣矣鼻鄙傷人倫雄聲有孤唱孰則鳴相親諒哉天地
間生才良苦辛一者尙難遇駢羅甯不珍徐君投斯卷文

采何璘斌眉山之所作乘時若鳳麟前無百古範後者開
無垠爲之殆於化解此亦天民王生好夫婦妙墨對紛綸
當時寫且讀意味何津津惜哉我與姚對此皆成陳空辭
本無用況以闡幃身乾嘉盛文藻楞伽故樂貧如以一雙
蝶而遊草木春時乎地天凍萬物皆沈淪誰於晦冥夜猶
見鴛鸞振境盡亦須拓意平無待伸風聲與月色造物終
能仁曷不共茲賦同爲後世塵

孫松泉先生吾幼所師也愛惜廉隅不與人世通者

數十年會余將至廣東投四詩問訊感而和之

擾擾紅塵有萬家一儒清絕已無加誰從灼石流金地更

把先生冷面誇
門外滄桑一世中
鄰家歌哭迭爲雄
勞人自古頭先白
造物原來非不公
慮淡心閒日似年
祇餘名節自矜憐
冥靈便好論千壽
一任羲和快著鞭
客久揚舫狎海波
不勞瀕發問如何
遄歸卻話他鄉事
應比吾鄉感更多
昔與顧晝蕃同學
在三十年前比復
與之流連數日得
先世遺墨訓之以
詩
秋風掃地盡物色
澹中遺及爾重權
夜能忘乍見時淹
留

一世定生滅萬緣奇至竟成何味蒼然念我師

世業還相寶搜羅故紙叢縣延一詩在契好萬年同未必
吾身後懸之子目中且須勤把蓋珍惜月如弓

先君既葬出謝客徐積餘太守爲余兄弟籌生事甚
摯及秋余病未出門積餘太守復來視適見余弟
與同遊舊作在扇頭者哀來感集依韻成詩

陽春只當凜秋過冉冉秋來更奈何眼有歡羣皆涕淚身
無酒德亦傀俄貧知日月銷精易病覺江湖隔路多今日
孤兒嘗此味傷心甯忍付流波

頽然老醜孰爲妍惜類憐才有大賢隔代聲香在邱索應

時文藻滿山川訂交河洛傳書日借筇燕雲括幣年顧我
恨多愁轉少勿將生事溷籌邊

輓江馨樵

不共論文已卅年當時談讌最流連分明玉雪成黃土何
況江淹老在前
苦塊餘生百不驚聊因君死觸生平一窗硯墨終餘味何
處天涯求友聲

與沈愛滄兄念其女壻林墩谷而有去年今日之歎

愛滄亦泣然誦此二十八字以同余悲遂贈一首

問我詩懷已淚零去年今日更堪聽陸沈風雨桃花面小

蘇仙三詩集卷十二
三
照乾坤腐草螢百不相謀成沉澀萬無可說況零丁侯官
太保遺風在聊與蒼茫泣素馨

余至上海晤敬如適亦遭兄喪泫然相弔不遑問他
事徒見其索債者盈門爲解紛而已已而流連至
重九稍復感時論事謀遣兩家子同就西塾登高
遣哀作詩相慰喻余次其韻

從古騷人易感秋那知今日更無愁雲霞幻此無邊壑天
地翻如不繫舟花鳥嫣然吾老矣稻魚足否子歸休餘生
莫奈懷忠孝奴虜公侯不可求

竟作詩人已可哀催租例與興俱來壺中日月千年祚雲

裏金銀萬丈臺灑血且完前死事搏心更拓後生才同懷
爾我今無讓投老齏鹽亦壯哉

余居欣父署中其三郎賓基臥病一粟庵未之見也
而次余狼山讌遊詩以陳情且要余和賓之外舅
秦君煙鉏先生與余別十年鬚髮白矣亦以扇索
詩遂作一篇且以砭賓基出世之語

王生老人產六男奇局倍於乾坤三清奇濃澹無不有都
與范叔論青藍范叔平生無不與就中獨數賓也貧公然
欲以長句勝偵吾解散來雄酣吾時淚乾不能哭懇語相
弔非所堪所以雲煙遇骨月嬾復就汝城東庵汝聞吾來

病欲起望吾詩冊心焉耽豈知吾道在今日黼家黻國言之慙語汝英髦糞土置汝有息壤鍾山南不然崇爲最初義卻向心地眞濡涵如斂海波作鹽酪流入百味成芳甘天下洶洶死喪至眞宜戰鬪無空談少年肯聽老人語見若鹹苦耐咀含與汝婦翁十年別兩鬢霜雪何鬢鬢揖我謂我必有贈肺腑所出茲能諳王生老人限驥足猶望駿子飛雲驂千里百里各自置深語連夕窮幽覃人間那容出世事疑此諸老非狂憨重陽菊花與三笑毋以一粟禪同參

敬如席上和方小汀孝廉

出門日有構對面皆各天
蜉蝣自楚楚鴛鴦自翩翩
觀其大小異中皆不自堅
朝菌與夏蟲烏能超氣先
牛眠隴底草懶散不容鞭
所食至微約頗視羣兒賢
天方縱淫暴此道亦萋萋
朝來擁書臥客夢驚寒氈
登高送佳節蒼茫覽風煙
樂事不可道憂來無窮邊
附郭訪蘇季家無二頃田
結交乃奇絕一老情綿綿
不俟問訊罷遂成水乳緣
所惜爲時晚枉用歡連連
天邊落日去光景無人傳

次韻王義門景沂見贈之作

江湖是何風漂流滿蓬梗
豈無迴瀾才使汝不得逞
寒星夜相照餘耀自耿耿
殘陽入九地曾無繫天綆
路逢傷心

人欲語輒悲哽灑泣念所私往復共醕酏王生爾何來華
鐙照臙影淮南有草廬曷不遂幽屏烈烈好丈夫饑來失
剛鯁四民皆瘡痍國成定誰秉海隅多大風午夜寒入頸
好會甯弗珍死喪在俄頃造物界我能犀通木有癭眞當
學老漁生計一笊簪

同義門和敬如

遊罷玉鉤斜來觀海上花晨辭博士職暮訪張騫槎有儒
一生者與之三歎嗟言從酒家壁乘醉浪塗鴉

黃海不知深誰歟量素襟秋期一輪月積水照人心道好
不相喻才高定見侵古來離世者有爲獨沈吟

學方老醉歌贈敬如且俾戲示愛滄公子

江風海雨天正昏酒闌燈炮人無言明星三五在雲裏出
沒深夜孤光存爾我何爲共茲世豈不懼然令可繼墮地
辛酸有同異百年強半爲生計蘇季欲以東周興哀哀王
赧今無勢康莊大第生荆榛駟衍微言又誰契我歷人間
徑途百自求饑凍非人迫今我何從顛將伯爾今猶是信
陵客豈忍妻孥入門責問渠應有周身策

酬愛滄

人間拔山事君子一毫毛毫毛不足贈誼此雲天高此事
古來有每與時會遭如彼青陽屆春風吹李桃物情自然

涉百鳥求其曹嚴霜一披拂萬物不堅牢蒼鷹擊雲路饑
鴉相喧嘈芳林舊朋類泯沒如奔逃哀哉鳳皇子苦竹風
颼颼我無醴泉血與子充醇醪猶將瑞圖意爲我三啼號
文章寸心物得失本秋毫但俾拯人死毋爲說士豪

感事依愛滄所用丁字韻

不用文章付六丁著書無地不飄零殘花急雨重衾到破
葉驚風故紙聽新語未能妨美睡舊儔何意惜微馨茫洋
黑海天難問閃爍還爲自照螢

義門忽然去揚州而攜余稿於江上誦之且題一詩
以相寄疊丁字韻奉答因述所聞

談笑朝朝有白丁
王郎蹤跡忽飄零
海天帆影紛難下
江介詩聲朗可聽
知否雁來傳警響
毋徒麝死戀餘馨
揚州廢苑秋何似
獨數隋家有剩螢

苦雨牢愁和方小汀述事

亂世爲儒詎可安
更將真態與人看
唇焦舌敝無來日
意懶心灰有此懽
豎子毋爲縱饕餮
馮生大抵悟邯鄲
若將淚與秋霖注
后土何時更得乾

湖南黃曉秋戶部以詩相見意氣甚豪宕也余感時

而惜其才卽席奉詒

哀今宇縣失人豪
把酒論文氣不高
入世忽如觀露電
擁

花危與坐風濤人情未必忘諸相天意何因篤若曹真有
一夫能敵萬華鐙綺席夜橫刀

題季直所繪四圖

鶴芝變相

氣至誰能外將迎有苦心摩天惜高翮拔地礙重陰骨采
猶能壽埃塵迴不侵蒼龜爾同類欲變尙沈吟

桂杏空心

后土無全力春秋不汝培從來大木死只在寸心灰好日
乘天逝巖風動地來猶虞歲寒友難復其深盃

水草藏毒

昔我行天下都謀城郭居甯知爲世患不必與人疏物溼
應難滅行危更易狙何當萬馬踐昭曠俾無餘

幼小垂涎

得餅朝朝樂爭梨處處啼如何令幼穉真不羨糖餽嗜至
天猶聽機深業盡迷未妨傾汝實一笑看排擠

丁字韻作者數十搜索盡矣林菽原復來徵和強試
成吟居然哀惻所謂詩鐘派也

向來花事付園丁曾未看花雨旣零素壁并無天可問空
絃猶有客能聽生愁雲沓身無類剩恨霜悽德不馨

愛滄詩云

故人爲我懷明德萬事已同秋扇棄暴風還復打流螢

霜露悽愴恐不馨

題查鼻師先德畫梅

珍藏遺墨老鼻師雪海寒香意格奇閱道咸同至今日能

逃劫火更增詩

烟海茫茫一家著平生所剩又毫芒吟成冰雪誠何用歎

絕當時范履霜

讀愛滄濤園詩集

豁然舉幙對披真修竹天寒絕代人但把庸言參本味萬

年不到語成陳

濤園亦有蛟龍氣積水翻無跋浪痕要語冀州重筆削不

將畫紫論濤園

摯父先生見贈有並時馳騁者閏位畫與紫二語

記濤園詩後兼喜晤令姪丹曾

東坡豈非出頭者南軒別是跨竈兒何爲有此兩瑰絕還
付人間百不知醇酒婦人死無爾肥魚大蛤生啗之眾中
難覓封侯相得見公孫又一奇

愛滄從余索糖食攜之往談詩竟忘卻又攜反也加
一詩送之

袖挈糖餽反渾忘一餉嬉好朋是兄弟此老本嬰兒慘慘
風雲錯悠悠天地隨邱軻如可蹈宴樂復何疑

有感疊前韻示愛滄

謂解淫荒趣番番與子嬉終留寒乞相笑煞風塵兒苦樂

一心置低昂萬事隨眼前樓上下論定不須疑

敬如索代贈

萬紫千紅競及春嬌啼浪笑太無因看渠一點棲皇淚百尺樓頭九鼎人

英雄畢竟數陳湯婉變猶當是李香宴樂已非流俗事不
論真感更茫茫

題季直荷鋤圖

畫中眉眼吾能識共是長鑱託命人絮語皋夔三十載一
燈今夜話悲辛

有生畢竟兩餐足識字橫教千慮侵連隴蒼煙耕不得可

憐還作荷鋤吟

同何眉孫張季直夜登狼山宿海月處

江海既會聲喧豚雙流競地生民災狼山如闖當江開能
喝海若驚濤回引江入田灌萬頃此德萬古常崔嵬何哉
六籍功不紀尋碑訪碣無詩材乃知地亦以人重老蚌干
年珠未胎可笑子瞻宦遊懶遠送不越金焦來子之發源
我收蓄邈閱四姓重追陪何君弗謂惠泉好持吾茗盞銜
吾盃毋言臨江獨私有從古據地爭雄魁張君吾以海東
讓千歲斥鹵茲能培一日和甘盡作稼亦能稍釋胸中哀
丈夫弗假風雲助遂以白地明天才吾皇釋政後一歲已

亥冬至狼山隈有吾三人夜秉燭走訪衲友尋初梅會以
茲山萬萬古勿與五嶽爲陪臺

贈何眉孫

子昔避亂家吾州日對狼山不一遊我友十九皆子儔偶
一見子終未投平生頗作兩端語朋友山水吾兼收得之
便欲性命以澹處亦若烟雲浮凡百訢合固有命舉步遲
速非人謀一日歡然未云短百歲其處甯爲修名聲相聞
義有死言語或失恩成讎以此充然樂今日與子笑浪南
山頭青山果然耐霜雪君子白髮心悠悠邱軻要有從容
意不逐奔潮日夕流

看保安沙還至上海和敬如見懷

爲別四五日六日甫至止一日山中臥一日走江汜兩日
風雨中水深沒車軌去其往還日實祇四日耳何張於吾
人良非等閑比新權入故羣磊磊正可喜雖然相從樂豈
不念吾子人聞子名者循例欲謗訾論子口則箝不論腹
有痞沈思世賢萬取足一知己盡人而費辭是亦可以已
飲河期滿腹不得盡河水甯獨吾道然子意亦如此取子
之赤心照地立人紀得時亘光芒不得伏而死空空是非
間卽是安定理緣子詩念吾還辭以喻指

敬如和余詩獨取人聞子名者循例欲謗訾二語痛

切言之夜燈諷誦感不絕於心輒復將此二語散
爲五言絕句十首所謂長言之不足則詠歎之者
也

世上皆安樂而君獨苦辛明明日月照莫辨汝爲人
史遷七十傳獨服李將軍桃李不言者名聲天下聞
陳湯一樹奇百謗猶能理無命復摧之塵埃老吾子
予有一樽酒與之忘死生胸中已無物身後亦無名
何哉今人言智出庸人下彼固落拓人我非狂癡者
風俗庶民事於今逮摺紳言言從所授邑邑自相循
日慘天茫茫人間定何世吾當寬論人子弗進苛例

平心論吾曹誰能補時局所爭在有志豈必定無欲
時王欲侯汝甯知汝悽愴此意人不聞有聞亦資謗
哦詩以送日好醜率吾指方知此道寬無人橫相訾

欣父席上應諸公詠雪之屬用敬如韻

酒家高樓當大道我友消寒命同好捲幕驚看瑞雪飛擎
盃覓句求詩老窮陰不散此何時鏤肝刻腎眞癡兒羣公
竊把玉龍戲徒我寸鐵無教持問天知否天無恙羅賓不
見公孫相賸有平章詩事人聳肩瑟縮江湖上江濤入海
必翻瀾彌天作凍知應難明日顛風激狂浪愁君未忍憑
高看我欲結廬向幽境有田論畝不論頃紅雨春槽稻米

肥綠窗夜詠梅花靜不然高語出塵埃於今海上無蓬萊
瓊樓玉宇寒深矣何處乘風歸去來

星濤席上疊韵奉詒兼待遜庵兄至

酒邊人是東西道眼底歡娛未云好要共迢迢千歲憂纔
保區區百年老結交始自青春時握手相視皆男兒半作
落花天所命一爲飛絮風難持漢陽獨樹春無恙批根削
迹窮諸相世態傳之阿堵中逸情高出雲天上沈生才氣
如翻瀾等閒一顧應知難把君氣味逢人說剖我心腸與
眾看古人所寶文章境豈與小夫競俄頃對面相看秦華
低發聲一奏雷霆靜於今萬象昏煙埃曷不將身隱草萊

熬煎世事一樽酒留待明朝舊雨來

苦非和敬如四絕

看君日日飲無何叔末年光事不多
欸欸輕輕一宵雪豈知滄海又增波

君積詩篇有幾何吾人終不患才多
先生縱讓登高賦平地猶能作一波

陸賈南行事若何昔遊所得已無多
君恩滅滅九天露相度汪汪千頃波

古來滬瀆問誰何海市於今萬倍多
我欲乘潮涉三泖不知何處有涼波

消寒第二集同人屬余先賦仍用敬如調而易其韻
世事於今更繁促甚則朝娛旰而哭三日之約胡迢遙真
到樽前願已足開樽聽我消寒吟不論家國毋言心高車
大馬美衣食千年萬載爲荒淫洪生爾毋惜毛羽東門才
子安足數彼亦一是此一非總爲文章賤如土陳生萬里
天南行苗民拜舞山靈驚富媪之藏恣汝取髮白返黑黃
金成談忠說孝吾知妄泣血孤兒首無狀負米奔波尙有
辭當筵慷慨真能忘昨聞羊酒會西鄰爆竹聲聲已換年
苦我消寒消不盡無從乞與別家春

再疊道字韻贈遜庵兄

昔聞萬里雲南道不與中邦論醜好一云吾兄持節行忽
向樽前鬢愁老憶昔當君壯盛時顧我相傍猶嬰兒性情
扶攜嘿相喻歲月拋撇飈難持天南地北君無恙論才應
作濟時相數載馳驅關隴間一官落拓秦淮上無端大海
飛狂瀾客子因悲行路難脣舌如雲不我釋肝腸沃雪與
君看歸來厯盡艱虞境不復歡言一時頃百里川原亦阻
深相望不見心猶靜駟虬乘鷲絕風埃更向遐荒闢草萊
記否琴臺深夜語得閒應肯附書來

贈愛滄

四方上下一東野百里東西兩上游舊用詼嘲今則哭

昔

姚錫九用此意也醉將拋撇醒難休翻翻棋局論千變轉轉車輪

有萬周雪後臨溪真異事凍魚如欲煦泥鰕

愛滄席上贈林紓南即撰茶花女遺事者

騷人欲炫芳蘭佩巧向樽前併一歡豈識廿年同味者更

從海外異書看渠於吾鄉同客吳武壯諸子皆心識久也

條支弱水荒唐甚碧海青天夜夜同莫把茶花問葩籍言

言都在國風中

消寒第三集詠日本小田切所謂滬上四假者

假眉

物罕而見珍人多始為貴子謂眉眼須天然女閭三百皆

有眉娟娟云何東西比屋住曾無千乘萬騎來喧闐人之
來爲君美美由人君知否濃粧大樣高峩峩傳動珠履相
經過徐察妙美飛橫波芳言馥語蘭氣和傾身更獻千金
歌東家美人蹙雙蛾妍心不見君如何

假拳

酒酣不得住拇戰聲聲怒構會亦有時研摩勇相赴勝則
仰而鳴敗者飲如數二五一十間常悲士不遇誰家公子
來酒場昂頭揜袖神飛揚舉盃屬客客先畏九籌十勝難
禁當美人如花笑一旁笑容草草難具防豈知手眼脣舌
一時到祇有風聲鶴唳凌虛翔客自先將杵投白夫也那

弗錐脫囊方知此事亦天縱不得從他論短長

假應酬

出門兮百道車不嫻兮馬不曉對面兮各天山則深兮水
則淵彼何人兮習習舞當筵兮徧給身之傀儡觀者娛水
與蜻蜓不相入

假書法

有儒一生擅書名賈客販鬻王侯迎窮力臨樞不能肖祈
以筆法傳後生生來汝以筆畫地低昂肥瘦任汝置先作
欄杆後畫墁從容點綴看成媚作字應無千載期世間版
刻胥人爲歐顏米蔡都無遺安得更論羲獻之先生聊以

給羣兒

贈吳彥復

以行得官以言去古人如此亦堂堂看渠入海橫飛日更
向萬山深處藏何由黑髮看成白應許玄天不作黃試把
遺書往沈誦逸民儔侶自成行

適與洪蔭之觀遊歷東洋日記而哭自傷我亦蠅營
狗苟亡國之人也而不能保其命而眼中之人可
忠可孝更無人焉保全之俾老斯土而全厥名也
恪士和宋燕生之詩在旁嗚咽而次其韻

宋生慷慨憂時者聞道今猶一飯艱翹首天虛疑有路閉

門海上望無山沈思百變真何術試想羣材盡不凡竟作
邱軻論管葛不能揮手米鹽間

笑把山童河水涸看他魚鳥不飛驚胸中未必餘羣輩世
外真當有六經暮雨朝曦渾不定春潮膈雪暗相生西山
一調無人續多恐明朝話柄成

吾粵館旣爲剛相所裁亦不謀從李相再之粵惟欲

就近得一館以養老母愛滄恪士星濤三弟者旣

極爲之謀而遜庵兄及余晉珊杜雲秋皆有意焉

所求至少而得朋若是之多一何可笑恪士別有

詩索余和更次其韻以明并不惜自薦云爾

憑臨江海猶虞渴此事真當問數賢
奄忽十旬渾似夢相望百里遠於天
可憐烏哺爭餘日欲退鵬飛就少年
寄語篝車身似硯不須辛苦更求田

贈秦煙鋏

無榮無辱垂垂老亦有非常在眼中
祇博閒人論功罪體多用少一聲同

東坡生日王義門置酒次東坡和王郎慶生日詩韻
座中有趙善夫楊功甫及敬如也

飛書馳檄望風趨羅向樽前盡友于
剩膈一句窮節候雄文千載舊規樞
王郎置酒仍前事趙子吟詩尙腐儒
陳孟

公能從陋巷范滂甫亦脫經郭債多莫作登臺計道喪休
乘浮海桴席上人人攜鳳侶袖中各各有驪珠喜瞻鬚叟
顏如昨更作吟朋吻不枯寄語西州楊道士要添密釀作
膏腴

東坡生日卽消寒第六集敬如爲長歌甚有高致余
轉自愧其才思枯竭不能和也無已復用前韻疊
一首贈之

長吟累月筆花枯更設罍樽學拜趨四海鈍人成此會萬
年閒事禮前儒詩書醞釀於今薄笠屐風流與眾樵仙去
難留天上曲神遊焉到海中郭齊王竿好無須瑟博望槎

成不用杼愁入滄溟都化水淚隨咳唾盡成珠誰能送日
猶憑此暫試因風一唱于吾服季常真耐凍歌殘字字擷
華腴

善夫歎

悲風颯颯吹江湖天日下墮人無徒聲沈響絕猶艱虞稱
名不敢遙相呼漢劉周姬笑自誣載之文字將何如涉筆
欲下心躊躇抑思名字與人俱不論真假論賢愚愚者一
死皆掃除賢百其號人盡譽善夫有味如醍醐善夫詩亦
清而腴善夫勉旃沈寂餘後令蠻貊無輕儒名有似者實
則殊請看當日宋潛虛何如此間趙善夫

東坡生日臨觴有感復和敬如

迢迢閱世徒增悲人欲不死將何爲假令髯翁到今在恐
其一日無伸眉翁年八百六十四飄忽人代成今時笙歌
讌笑極喪亂縱橫厯覽皆無之祇言新法亂人紀詎謂舊
學誅民彝公平來遊聽我告安石正論經天垂不佞天人
不法祖徹骨剖辨無瑕疵儻教歐馬數君者與其責難憂
來茲一君一相必有職千變萬變皆非奇當時堂堂宋天
子將與萬國爲軒羲人言我窮爲公故甯知在政不在詩
天仙化人一方語今來竟作奸邪資誰能頑然守深黑無
與日月同奔馳舉觴爲公祝千歲憫念來日傷肝脾曾是

淵源一江水聊以弟子諍其師

走筆書事卽以謝同人之招

全河已落漁人手細小還爲巨者吞
路盡人人偷作計哀來一一告無門
空能手寫雲天意更把身留雪地痕
覽物潛然況悲已忍從諸子笑擎樽

方小汀新歸追爲東坡壽詩索和遂次其韻

聲聲膈鼓催除年騷壇壯者皆不前
獨絃哀歌向誰賣回舟就我方翁賢
方翁平生有孝子養親魚酒必鮮美
晚歲拋書更弄孫含節樂事真無比
此閒宴樂蘇文忠方翁恨不與其中
作詩往復敘年譜曲辭媚悅來求通
我方醉歌

作鑄議爲汝更得諛斯翁蘇翁蘇翁祝汝從此千萬秋著
述磊磊長存留弗遭烈火一焚盡弗與洪水同漂流原來
吾道竟微細難比天地真悠悠豪賢不保千歲運玄邱天
亶猶含愁不然吾詩富今代豈與卒歲同少謀便當伸眉
向天下何用對客常低頭

題陳鷗民漢江課漁圖故人陳宇初之族兄也

陳生字有鷗民者日遂閒鷗泛水雲記向空江牢閉口怕
排鉤黨到鷗羣

故人陳慥今何似聞說專城不救貧曷不分渠半江水白
頭兄弟老垂綸

鷗民敬如哲甫爲三陳合譜屬余題端

傳盃海上日千場到此論交足涕滂啼笑都爲一時計姓
名何俟詰朝忘誰知勝友金蘭會兼覩名家水木光三子
同心吾作證最能垂代溢芬芳

消寒第七集

百國皆是青春人獨我殘年未教送歲時月日誰爲之積
習如山推不動路旁喜遇同歲翁問齒猶能退居仲十年
白髮提前生便作童孩亦安用高衙馳檄追笙歌朱榜煌
煌已停訟如彼甌脫無誰論人間得此歡娛空老寡泣血
胡歸休子莫啼冤冤者眾四海瘡痍今若何九疑雲物皆

如夢不能暖竈取一歡醉死樽前氣猶洞

評黃駿孫太守歸田近作兼題黃曉秋戶部瓦缶集
駿孫集中多錄曉秋作也

苟祿蚩蚩絕可憐論人先問掛冠年況能磊磊披肝肺涕
笑縱橫卅八篇

吾欲觀人觀所與佩於騷士必蘭蓀微陽不轉黃鐘死瓦
缶哀鳴欲斷魂

慎交吟贈敬如義門兼視善夫

朝朝騎馬能相過交到死時無一箇君今未死何田知正
看生時作死時世上何嘗有生友只作生交宜住手苟無

千秋萬歲心與之一日猶爲久陳生語汝慎交吟王郎勸
汝盃中酒王郎作弟陳作兄徹骨吾能知性情果然識字
同憂患且復論才託死生不然有若宋夫子不見知名見
亦喜宙合紛紛固有人錯雜相看斯可矣嗟吾不自惜其
詩割雞焉用牛刀爲正苦天人墮塵溷再三珍重話臨歧

與善夫一席話歸來猶心痛也疊送字韻

有臣偷欲忘其君僅保頭顱未教送有子偷欲忘其親忍
使肝腸寂無動一朝相遇淚滂沱矢志忘魂相伯仲空能
言語似蘇黃真到古人亦安用醫和死絕巫咸歸天路茫
茫與誰訟我言三樂已無頭子遺八口半猶空一日相從

亦累人不然何必吾從眾各把是心牢守之更背妻孥自
尋夢要能磊落戰餘年大火當前顏色洞

訓清夫道人洪述祖

百體爲我稍延留牙齒紛紛先乞休槎枒大餅不能截當
筵獨啖甜饅頭脂勻質膩味疏爽湯飯可厭膏粱羞我初
貪饕後退卻祇問賓客能買不求之市上百無有誰家庖
厨爲此謀洪生越日卽我飲盛筐百箇來相投云此甘芳
不易變能作慈親十日膳我聞驚拜感且泣子之佑我如
何酬意重君羹小人食德爲玉瓚中黃流洪生有母不及
養惟日惻惻知人求耳聞目見有春在可以稍釋胸中秋

我獨何爲自言老與子德意相謬悠還家會當博母喜來
日致命同君遊

謝人贈人參糖精

誰將聖藥惠高年三世醫家有秘傳苦口累人甘亦得祇
憑誠意足回天

留別義門兼約明春攜大兒來滬相見

子今行否吾歸矣柳色萌芽會於此平生十約九不還人
事則然非予恥所以尋常一分手也用低回不能已比德
論才作弟兄祇須並世何關齒吾兒後君纔三年吾意離
君尙千里會當教君看孔融未必勞君拜陳紀

子向子望曾當妙悟言人歸來之矣每其則也

草木於象只知為道出何國能言與妙靈靈三手吾意猶

早與然非千似似以清一公乎必用却回不將口只

不令存否吾識矣唯自問之會然此平主一唯衣不數人

留照美門兼既與

思誠意又回天

前雖望藥惠高半三母

博人與人參謝

日遊命同昏

其保何意自言才曉子謝成時意欲為家會當世母喜來

似

不

如

不

如

退

范伯子詩集卷十三

光緒二十五年己亥遲粵脩不至遂留上海度歲至二十六年庚子三月還家作

果然

一紙相看事果然朝娛肝哭到窮年遊絲忽落三千丈錦瑟真成五十絃老寡可憐垂涕晚大僚應記受恩偏愚生只把春王筆載自堯天入舜天

書賈人語

去卽去耳誰爲賢人如綠草生春田鎌刀割盡還須長不聞但有今歲無來年東家獨患囊無錢傭保雜作何有焉

請看朝廷沒曾左也有後相來聯翩我聞此語悅失色從此昆侖泰華皆不堅明朝便叱玉皇退何能一帝專諸天

題陳鷗民月湖琵琶圖兼答其釣臺徵詩啟

郎官湖是青蓮造商婦絃爲白傅留漢水漁人真好事一圖兼攬兩千秋

聞君別有徵詩具日傍琴臺望釣臺笑煞嚴光亦淪落不然甯用客星來

臘月二十七日漫書

雪後從容復陰雨詩成懶散更歌行不知門外今何日便與樓頭送此生老賈失時尋舊話童奴少事問書名無心

撥盡一爐火不寐聽殘五轉更兩境可能天不隔萬年難
使物多情閉門習靜干風事卻撼虛窗故故鳴

余題月湖琵琶圖因及釣臺集而有嚴光淪落之歎
又引申之得歌詩十句

我笑嚴光釣澤濱亦是天涯淪落人所以乘機一謁帝寫
此鬱勃方藏身豈知帝星亘天上也有生命不及辰忽忽
未知生可樂慙慙常與死爲鄰等閑多少窮途淚可以飄
飛化作塵

謝敬如念吾母

萬重冰雪裏誰者暖人心昔語多君智今來不我尋門闌

江伯子詩集卷十三
二
天地隔車轍海河深不敢望吾母勞君代叱吟
有母論饑飽孤兒罪更多文深徒繾綣勢在竟嗟峨孰使
求高者能如苟賤何勤勤將子意同淚與滄波

柬愛滄

昨者應從白門至聞吾未歸弗駭耶人間失路安有限疑
此未算窮無加有母能慈有子好祇以不見爲嗟呀詩骨
強於隼飛雪歸心急似蟹爬沙門前一江化銀漢雪路盡
絕天無槎只可相從復消夜與君揮淚說京華

和善夫

怪底沿江水奔注四海平添淚人雨聖手無柯亦莫望佞

頭擬劍教誰鑄日光雲爛方賡歌誰解唐虞事若何
尼山亦是阿諛者佛祖焉能免罵訶

除夕詩狂自遣

歲歲年年有更換不見留光可稍玩惟獨今年除未除
雄詩百首長爲伴人言詩必窮而工知窮王詩詩工窮我窮
遂無地可入我詩遂有天能通

我與子瞻爲曠蕩子瞻比我多一放我學山谷作道健山
谷比我多一鍊惟有參之放鍊閒獨樹一幟非羞顏徑須
直接元遺山不得下與吳王班

除夕無聊復次山谷還家呈伯氏詩以貽余仲

平生浪把千乘輕臨老方知一簞豆覲面獨有同饑人意
態荒寒節物醜便將蟻力銜山來一歡已落啼號後況有
衰顏七十親旦晚念吾應更瘦汝弗浪愁虛費醫吾實慮
汝一腳手聞吾不歸誰最驚蓬巷悽悽二三友亦有孤寡
汝弗知告訴無門應罵詬吾非不從僕人言早計從容棄
此走門庭羅掘會將窮鄰家稱貸亦何有明年誓將爲人
役不俟饑來始張口摛文未至茅塞心作字無虞柳生肘
誰能與人作筐篋猶得逍遙辭鑲鈕汝曹愛兄莫漫悲與
汝安心一盃酒十年肝腎吾能勞二分齒髮先吾朽何況
於今萬乘如飄風齊楚化爲无是公長饑殍觶到吳儂微

命區區愁不從百變終能娛樂已世間獨有馮公耳

與劉一山除夜深談贈之一詩并將以示彥升兄

不以俗子相繞纏不與家族同熬煎祇以青燈照白話與
子相對成一年子之識力萬夫賢覺旦有在鳴雞先公卿
攬子欲爲臂嗟子十口何能捐平生小心結師友負累何
止千萬錢到今簿記百不省更用三省常自鑄人間來日
是何世愁霖汜濫高無天園傭折花不能賣蘭薰雪白何
爲焉不然有若蕙修者壯老一概窮當堅瞬獨胡緣竟欲
死隔海與我愁悁悁

一山以彥升來書相示有生不如死之爲樂云云蕙修亦彥升字也

元旦疊韻自占

怪怪奇奇盡偶然昏庸柄國已千年欲傾東海斟臣酒怕
有西風拂帝絃近死不知機發驟同憂奚俟夢來偏逃塵
便與追前跡河上今無二晦天

連陰十餘日夜忽無風而自霽雖僕輩猶知明日之

復雨也

一雨十日不放晴紅日不出天無晴祈求想望已心死兀
坐樓上甘沈冥然燈燒燭照宵詠良久不聞檐溜聲童奴
開門問雪否還走笑言天不誠無端收空散雲霧直視萬
里星光明吾聞沈陰若灾禍每至康復須威刑炎日斬斬
施雷霆寒月刮地風崢嶸不風不霆只無事何處頓成開

霽形恐是陰類自怡悅拂拭后土便宵行請看凌晨日欲
上果然復雨如盆傾

以保生釐東薦之伯謙

李白韓愈浪得名子瞻山谷皆平平不然嶽嵒厯落如我
者焉得置之世上鴻毛輕雖云時遷勢亦異依然同類相
枯榮藉湜駸駸入文府秦晁往往句同賡貧窮陸離亦有
會龍饑虎困風雲生可憐達者竟誰是祇有裴子食一城
天哀其親俾得養亦俾其友從呼庚原嘗死矣平津絕羣
士從容餓莩成何用千金買駿骨真能一飯揚名聲吾鄉
如今有瑰寶曩列高價子所評種松十年冒霜雪凍骨漸

與寒山撐吾雖半菽不獨飽忍能對作空腸鳴會將質裘
持送似令就吾子天南征齊吾詩騷與將去還乞吾子持

與諸家衡

保生伯謙尊人試
通州所得士也

正月四日雨稍止一山拉入市買報閱之因晤諸子

同飲次善夫元日二首韻

乘春百物動公等意如何苦雨如相偪炎曦不再過妖姬
猶傳粉羣貴尙鳴珂遍奏迎神曲今宵樂事多

是夕迎財
神遍地喧

開

那得深山裏冥冥萬古天便將巢作姓不問舜何年忍死
吟吾句含悲入此筵茫然真一概莫道汝爲賢

敬如題漢陰課漁圖真妙作積欲和之而未有辭會
其爲我營歸計將成喜而徑書十二句并以結來
滬同居之約

我歌獨有陳生尋爲絲爲桐成一琴升堂入室鑲鈕斷知
心取意江河深正憶康衢結交眾寸步艱難不汝送各以
悲歡閱歲年傳盃天地真如夢一波送我還江津媵之活
水魚鱗鱗范張已分能生死元白將來合作鄰

善夫以次韻少陵杜鵑行索和余患詞意之將竭也
用其韻爲三足鳥行

君不見龍孫飛上天化爲日中三足鳥人間鳥生八九子

惟有神物難將雞蟾蜍東西但相望緘默不語甘羈孤人
間烏鴉積此恨晨夕出入悲啼呼汝羿已射九日落那不
釋此常區區縱滅其形難滅影到今反笑奸雄愚貫通三
才作王字看渠能抹青天無看渠能抹青天無不用快快
持戈趨

與義門論詩文久之書二絕句

六籍英靈葬死灰憑虛喚得幾聲回絃歌已落伶人手豈
憶尼山學道來

最有空詞盡樂哀網羅故實定非才請看鐙雨檐花句便

值高歌餓死來

二詩蓋不佞之常譚以爲工部當時若作
檐前細雨鐙花落便不成語言更值不得

高歌餓死也聲音之道亦莫知其所以然
高才若從此悟入豈尚有死法可循哉

人日和杜公追酬高蜀州詩用其體韻

人間何日不興作何代無人怨淪落把手杜公人日篇感
激淒傷淚如昨遙遙大厯千年來人代相看已寥廓甯我
獨無經世才知君亦乏匡時略常將短札記經過更把長
篇娛寂寞言懷稷契悲唐虞坐想驂騑憶鵬鸚如今似我
更無論漢中昭州無一存劉表能談周禮樂趙佗不問漢
乾坤朔風慄慄重陰覆西海滔滔萬溜奔天意甯嗟腐敗
士舊遊欲斷公侯門可憐世季生無賴要使饑驅道不尊
尺水漣漪復何有涸餘常此役驚魂

臨睡感題杜集

了知身世風馳過無奈當前日似年事至終須一笑遣吟
成翻藉百憂煎思君往矣真同物問我誰歟待後賢病體
不勝爐火澹仍能辛苦課宵眠

鎮日無聊疊韻寫意

爐中活火看全世簾裏飛烟幻百年硯墨滃然隨筆盡壺
冰清絕為茶煎繁聲雜沓酬佳節小說淋漓有大賢昔日
經過裘馬客不知誰向酒家眠

寫詩與女壻陳師曾三疊前韻跋尾

不信人間許大事徐徐放下又經年雲天斷影紛難繪燈

火殘膏尚自煎未覺馬揚真可樂焉知牛李孰爲賢詩書
麴蘖將安用醞釀老夫成醉眠

有所聞並憤所見四疊前韻

似聞雲錦翻新樣并說珠襦類往年前席終無一籌展對
觴誰免百憂煎賜酺恩澤雖云濫博塞歡娛豈謂賢疑是
諸公啖榆飽不然何至抱薪眠

入此年忽忽又經旬矣時日之流驚心動魄五疊前
韻示兒曹

要知元日須珍重涉夜侵晨是一年萬種去來皆恍惚百
般苦樂與熬煎陸沉酣豢原知誤瘠死清貧未必賢不有

范仲子詩集卷十三
八
干春呼吸在何分一醉短長眠

次韻杜公偈仄行贈善夫

偈仄復偈仄我居滬南子滬北向者皆從何處來對人乃
爾無顏色自從開歲盛衣冠愈覺長途有荆棘天陰雨濕
宜爲辭晴好依然行不得一車縱難賃兩腳豈無力頻來
看竹主應罵仍與借花賓不識江頭士女如狂顛香車寶
馬紛馳傳鳧飛鴈集莫比數遐望直入冥濛天陳生吾黨
類見面猶悲憐彼亦皇皇自求活那能日夕相歡然忽憶
與君是同歲瞬息便到知非年此間甯著爾許物撫已但
合深山眠好把出門賃車費竟作還家買權錢

感於東坡生日之作遂爲摯甫先生六十壽詩

人生百年一刹那賢愚貴賤同一科
望長量短其如何祝禱稱頌皆私阿
要使日月無空過聖哲自比庸愚多有儒
一生高嵯峩墮地便與書相磨
浸濯滋潤成江河放之一州勤民痾
晝執吏事晨自哦卽飯仍與賓搓摩
判簡披牘如交梭不肯俯首慙
羲娥猶嫌一官遭網羅於世無補身
受瘥立起自効投烟蘿從此壹意知
靡佗嗟彼豈誠書有魔方今儒術資
撫呵腐士不識真邱軻死守徒以來
倒戈後有萬年甯可訛濯而出之渾渾
波莫置高阜平不頗用此憂勞鬢亦
皤獨與往聖留純和我年十九付蹉跎
矧今

傷心至蓼莪忍死惜淚吟庭柯感念身世終滂沱會以生
日觴東坡類引更爲先生歌

於三山會館觀所謂天后宮者

緣其兩楹大書天后傳謬延摺紳故有此

作

賈舶沿江不惜錢閩人於此益拳拳神靈備著千番應譜
牒猶能一姓傳何但生男讓生女須知如帝又如天沒身
一樣分喧寂愁絕當時謝自然

方小汀將之館以其鄉味嚮客余與義門都以事默
默深愧此老之誠也退而爲詩以謝

渾然大璞黃塵裏一片肫誠綠酒前人各有憂應不識客

將何好請明虔論肴偏與鱸鄉左置譯難將閩語傳等是
饑驅歸未得滿街燈月照離筵

元夜

元夜無人談月色古來崇此一宵燈隻鷄斗酒吾何往野
馬蒼天見未曾小大並時真不異悲愉極處總無朋東家
老叟情難卻看轉風輪到幾層

主人邀看走
馬燈故云耳

謝客難前韻

零星賸淚朝朝雨慘澹愁心夜夜鐙語必朝廷人不解論
關毫末爾何曾饑寒自切身中事膠漆嗟無往日朋必欲
憂天天不墮月華雲爛一層層

讀報憤歎

羅者不知有寥廓應從數澤視鷓鴣如何故作癡人夢捕兔而今向月明

試想誰人甘作笑世間原有十分愚可憐鹿馬迷淒日除

卻傷心一字無人情愚至十分則九分愚者皆得勸之使不為而十愚之事亦終不可得見也藉非

有若趙高之狠戾何至傳笑天下如今日之事乎

三山會館晤黃曉秋同飲方知其亦留滯此間翌日

出其元日試筆索和疊二首酬之

眼底應無狐白裘老夫向客只低頭昨來見爾三山館始復登吾百尺樓鱸鮓勿因填海懼侏儒肯為墮天愁依然

碧草乘春至勞苦年光酒一甌
處處笙歌起畫樓時平相業奠金甌
正宜力取還鄉錦何便悲吟作客裘
凍折蓬萊天左股望穿苜蓿海西頭
交疏未問行藏事約略分吾一段愁

壽敬如三絕句

此才不爲君王使碎與窮途急難人不識
門前須我否怕君還有債紛綸

爲我奔波日數回忍能對面見君哀
分應足繭聲嘶日更得關門覓句來

今日聞君向弧旦不能盃酒以詩通
更成奢語從天祝歲

范伯子詩集卷十三
二
歲年年作苦同

正月二十一日盆花落東家老叟爲言節氣笑而深
感其言適善夫以和人日詩至遂疊此韻杜公酬
蜀州正是日也

節氣不知誰所作遞有時花任開落祇須長年飽飯人已
識來今如去昨況其高眼凌青天正把閒心置寥廓雖然
血氣與凡同忍使流光概從略近知愁苦卽歡娛看徹繁
華無寂寞肥甘必欲慕糠糜燕雀真能笑雕鶚李杜詩才
且莫論彼有黑夜孤光存微茫便似初三月泯默還如六
四坤逮其胸中芒角出遂使筆下風雲奔此皆隨宜作生

事豈有要妙成專門可歎諸公百不暇使之千世獨稱尊
春至江南望楓色青林仍有未招魂

次韻敬如

送臘迎年把酒揮澹旬累月尙無歸空能跌宕生花筆不
復流連寸草暉生死並論交卽少行藏一悔夢都非毋言
雨霽勤相就枉復緇塵日染衣

晚覺寒甚敬如來則旣春服矣再次前韻

魯陽戈鈍莫能揮楚客魂離亦不歸萬古雲霄成斷羽一
天星月燦餘暉時危怕與心胸盡老至愁看面目非氣候
陽和吾弗敵卻憐春半尙寒衣

三山會館赴小汀之招并約敬如送罕兒入西學堂

次小汀韻

清談無復妓成圍不醉猶能醒眼歸學也固知無祿在天
乎安得與時違老夫剩以文爲戲平世終無淚可揮箭激
樓船滿江海奮飛魚鳥或知幾

黃浦江感賦前韻

帶郭江灣祇一圍湯湯入海水知歸清談典午風猶在高
會春申願竟違白日只教雲樣過黃金真有土能揮潮來
浪去悲何限百倍安心是布衣

平心語

平生本無溫飽具白手乃望天之援宰相勤求蠹物者吾
屬見逮非煩冤有身疲癯又不死與世祈乞終難言近想
馮生各有賴自今不復憂黎元

保少浦來上海吾意伯謙雖賢者亦不可褻裳就也
勸姑歸讀而和其途中三詩

忽向此間住真如粥飯僧文章今作戲時命古無憑明眼
若觀火寒軀自飲冰一春斷還往雙鬢益鬅髻

汝已鑿饑慣今來何所爭勢衰高下僅道喪死生輕賸有
一途在能堪萬里行猶虞蕞爾邑無地著儒生

但向詩書去無論物態新空疏終病世昏憊不通神正與

衰時盡仍留古黛皴未應愁卽死除我亦空困

罕兒入法蘭西學堂以安息日出爲余述其間規矩
之嚴甚樂從也余亦甚慰明日復憂其暴改所習
疊少浦韻戒勉之

禮失猶求野威儀看飯僧況其仁可學真與道爲憑執業
若行水奉身如履冰無然慙似我衰鬢日鬚髻

看向前期去悠悠百不爭姓名羣士略啼笑一身輕獨念
海之大願隨天與行何時能挈汝遊覽足平生

忽於眠食處愁汝一番新總整形骸健休誇志氣神空腸
毋水激削面莫風皴但取從容樂何憂三百困

和劉峴莊尙書入都留別四首

不信人間叔末年羣公卿士若狂顛
微陽耿耿孤忠動一髮沈沈大義懸
起自湖湘功在世坐深江海澤如淵
歲寒愈有驚人節可以昭回日月天

霜霰重重雨雪催莫知天宇幾時開
黎元責望雖無厭白髮論思也要才
帝命還朝資贊畫公將乞病尙徘徊
攀轅父老焉知外但祝行旌指日回

鯁生自昔返吾鄉共被沾濡未敢忘
己分入山隨李廣甯思得路遇王良
精神況已輸騏驥心血惟堪飲鳳凰
此曲賡歌無所讓爲公千載被甘棠

自頃生涯集百憂
二三寒峻與綢繆
投軀未必人情薄
舉足難禁世慮稠
獨喜安居託仁宇
仍能饑嘯對洪流
微儒戀戀真堪劇
祖道相望東海頭

斜飛雪用前韻一首

上帝沈沈醉有年
春風無主晚來顛
滄溟激蕩洪波起
廣野蕭條落日懸
誰辦癡心回大造
但追詩思入重淵
吟成更與斜飛雪
如此穠華二月天

題胡子勤美人宮怨

漢武威權能棄婦
故教喜怒費疑猜
如今賦有長門手
誰爲相如取酒來

江湖莫照驚鴻影滿眼存亡可淚零不及斯翁隱塵市發
緘猶賸幾娉婷

善夫招西飧余辭弗飲因從容論戊戌以來事頗盡
余意善夫亦告余將隱富春山中卹然有同志焉
遂次其韻

饑腸得飽最爲樂折柬招之萬無卻更呼進酒胡爲然泛
濫徒教淚橫落愛身與國理則同激宕悲歌氣逾削寡緯
不念宗周憂魯酒遂爲邯鄲薄第一冥冥保太和慎固無
成小人惡真能把臂事村農胥吏何由恣苛虐子之論分
庶幾哉往矣富春花灼爚

想茲若封突富春亦以餘

如小人惡真翁味營

不念宗風焉曾醉茲為

誰封焚或對若愛良與

萬無時更平藝齋財為

教大其賄

余意善夫亦告余

善夫許西飲余

蘇齋類然

口隨其

范伯子詩集卷十四

光緒二十六年庚子五月至桐城及閏八月至南昌作

送鄧璞君之山東因託余季

骨肉有同理肺腸相與陳水西一席話山左廿年塵閱代
無聊後仁親未了身何因託余季惟以共悲辛

出郭

還家百不習出郭動微吟以此一閒放蒼茫入我心歡情
不得煖復苦憂相尋曠然覽江海激水同悲音我今甫踰
閩世禍未見侵徒緣死喪際泣下沾衣襟況其念來日四
海無安林飄飄何所止慘慘孰能任甫白能言者當之亦

恐瘖

集賢關

我行至安慶便憶咸同間
 峩峩攻守具復有集賢關
 何由搏狂寇冥想存茲山
 一精策羣力接天猶能攀
 當時寇燄熾非獨我能然
 人智日不逮敵勢從而遷
 乃知勝敗理豈不在愚賢
 賢智所淬厲神鬼不能干
 敬慎及枯朽戰端胡易言
 齊德欲相服人盡知其難
 譬以蕞爾魯妄欲興大瀾
 公然庇羣盜顯與列強翻
 此雖五尺子不受斯言謾
 嗟嗟中興運短短無何年
 大人龍虎氣一去不復還
 鐘鼎已成故衣冠欲化蠻
 誰當與狂藥直使我心頑

題通伯所藏濂亭先生手迹一冊

津門一掬傷心淚忍向天涯不再揮持比古人真愧痛獨
存今日曷歸依流連手迹尋常有接對心神曠代稀三復
君文剛戀戀又傷離亂促征驂

題通伯所藏惜抱先生手迹卷子

慘澹斯人去山川亦不神毫芒落君處悲涕逮吾身論有
當時定才爲異代珍誰令杖朝歲猶作太平人

吾與通伯相思七年僅得見於外舅之喪中又不得
稍留中間又泣且病談世事則灰心短氣讀其書
則徒有浩歎并其夫婦憐我之喪女欲以長女相

嗣爲卻爲承亦未遑云也放手而行能無痛淚

骨月銜悲日華夷構難辰與君成此別爲道益傷神徧國

皆誰賴皇天不我親洋洋三古意惟以度宵晨

謂所注易

別有傷心淚真如戀子何人情死憐類勞者泣當歌勿以
生相問終知命有頗掌珠虛惠我萬事總蹉跎

辭外舅靈几

身窮世季歲云徂更讀餘翁絕命書今日未應悲逝者一
生無奈特知余黃花晚節嗟難到赤縣神州不可居祇作
無言揮弟姪了知夙諾盡成虛

題桐城

歲歲桐城有夢賒清談既接又還家海峰薑塢尋常有不見龍眠與挂車

抵安慶薄莫而雨遂改以明日詣方倫叔先去一詩
中興大業銷沈後舊德從容此一家卻向城根結廬舍坐
於江上看年華清遊望斷天邊舫急節催殘日莫笳豈意
皖公山月下等閒先被海雲遮

還家有述前韻

志量區區今日盡八荒六合賸吾家可憐卽事歐心血孰
使空談閱歲華百郡文書仍置驛一江城郭有鳴笳洋洋
海勢兼風雨何術能將片笠遮

過焦山內人扶病眺望

斜陽冉冉天光好積水洋洋樹色酣欲問山靈此何世尙
將晴翠撲江南
臨江病眺莫傷懷不死終能爾我來放意存茲一片石世
間何物是樓臺

悠悠吟示江潤生太守三兄

帶甲滿江海飛蝗更蔽天民今在爐火官亦坐針氈急難
嗟無位祈哀恨少田從公且悠悠蟻命分同捐

贈江三兄

坦坦向人盡味之方覺深接交無不可知許我能任百口

仍孤注千秋並陸沈牢持鐙火意悠忽見天心

文人答諸公要余至上海同謁李相

青天白日沈憂患遠水遙山送語言世有萬年身是寄民
今百死我何冤可憐黃髮承茲難甯惜丹心爲至尊後鬼
前狨啼不已又能重把劫灰論

答鄧璞君疊韻寄和遂以秋門行止相託

萬古無今日倉皇百變陳域中非樂土人命本輕塵近喜
慈親腹能忘愛弟身誰令千里外吾友獨艱辛

七月二十日挈罕兒往省外舅吳公疾自吾庚午孟

秋入此門恰三十年矣卽夜感賦

苦月臨宵轉轉虧昏燈倦眼對迷離當階瑟縮驚秋早引
枕低回結夢遲語世竟難寬病叟行身不得飯癡兒回頭
快壻升堂日卅載倉皇到此時

萬古磐碩大兄因亂棄官間道歸嗚咽有贈

誰言破敗無今日不忍流離到此人萬死能賒歸有父百
方欲騁往無親萍蓬散落甯非分瓜果娛嬉復此晨最痛

吾皇在幽闕更聞臨亂道艱辛

詩天因磐碩兄歸賦呈草堂伯父

丈人吾父類不忍想須眉頃自兄歸後忽然夢見之壺觴
天地窄談笑死生遲不得同趨往歡然出涕洟

聞說

聞說雞鳴驛吾皇昨駐茲移家無百乘遮道有羣蚩睽曠
虛臣藎艱危仗母慈風狂兼月黑惟以涕漣洏

八月十二夜乘車至港念昔秋去滬而今春返皆無
幾時世變遂已至極感痛不可以言詩以記候

急火炊梁梁不熟大千糜爛一何神可憐目斷前星日亦
是身遊太古晨鄉土終爲覆巢卵饔飧猶累倚閭人涼風
八月宵如昨一往無由問屈伸

至滬謁李相

天津回首陣雲屯重向江頭謁相門天意尙能留碩果人

問何處起貞元耆年往復乘衰運老淚滂沱有笑言一事
告公時論定八州生類賴公存

皇上罪已詔

可憐鹿馬迷淒後慘澹無言到聖仁一昔驚聞詔罪已萬
方流淚善歸親問安已過雞鳴驛失路應悲螢火津最痛
三良前死殉至今欲贖亦無身

思婦

思婦江南音信斷朝朝只欲去燕山空彫翠袖黃塵裏甯
返朱衣玉殿閒魚尾秋來河水赤鵲橋天上鬢毛斑人間

信有無聊事觸緒千言意不嫻

不信

不信江山如錯繡更無奇策建堂堂威公老去貂牙在蒙
氏蹉跎勝廣強一馬十牛愁未已羣鴉孤鳳泣何將由來
忠孝須明眼獨對昏燈淚萬行

不取訓蘇松太道余晉珊一兄

百金惠我亦云泰摯語溫言值萬金踐土傷亡至今日向
人啼餓我何心人才虛乏古無是儒術蕭條公可任小雅
未忘交道美老民端不患夷侵

養痾腐樓苦雨吟眺

客病艱難不可說
淫霖衰颯更堪聽
樓居密密連雲黑
燈火蕭蕭向日青
歌哭萬家聲闐寂
飄搖獨樹影伶俜
正愁風雨乾坤大
蟻穴侯王夢未醒

白金題王莽傳後

不用軍齎水不濡
一飛千里卻匈奴
沈酣六籍猶能信
何

況胸中一字無

白石丹書拜自天
寶黃廝赤分應然
可憐一璽卷卷嫗仍

肯悲吁漢臘邊

搏擊誰爲繞指柔
恂恂只數博山侯
儒生膽怯真無奈
誰

見庭前滄海流

名都一日化爲塵忍死誰能作幸民朱弟張魚雖放曠差
強不是橐街人

上海縣丞羅耀廷之母劉同治癸亥殉難徵詩

丞哉一歎意如何不爲沈淪感逝波四十年來萱草恨要
將椽筆補山阿

由來阿母承家日關陝重重寇正狂提挈同懷攜弱息當
時臨難極芬芳

吾宗實始揚彤管吾亦荆襄作志來授命多於文武士誰
言巾幗少人才

孝子母爲恨不鐫於今烈殉滿幽燕王師寇盜終無別何

言集卷十四
處恩綸降自天

讀王貢兩龔鮑傳而歎

漢家遂少山林逸不者窮愁未得之四皓荒唐無此物兩
龔傲睨欲何爲遊於世上眞無奈問我胸中亦不奇要覓
君平一簾地百錢誰向汝稽疑

漫興再成

鬢邊日耗兩三絲試以閒情澹蕩之入市觀人意色決臨
觴述事見聞歧黃雞白日淒迷慣鐵馬金戈徼幸爲要問
古來興廢際幾人富貴不流離

寄慰又樓喪子

患難交情罄意輸夜燈兒女共悲愉未堪愛子一朝死虛
累老翁終歲劬達識固當緣漆吏愁心不必動立夫承家
有美君何患樹也宜爲軾鞏徒

浮雲

浮雲西北是何鄉歌管樓臺浩莫望私淚向來甯我忍褊
心今日耐君狂布衣疏食爭微命厚地高天總一王徑欲
沿江窺節使幾人露次待嚴裝

舉少浦爲愛滄課子見其賓主酬唱而亦和焉

乍見保生懷袖稿一詩會合主賓初未因養士聊添債無
奈生兒且讀書辟地甯非覆巢外瞻天仍是戴盆餘侯官

耿耿明忠孝國恥終望爲掃除

晉珊遷官當去此吾州人賈此者旣惜其行此間姚
子讓張芝舫益上書督府籲留之故爲循良詩再

贈

世上萬般都有價更無善價買循良撐持大局羣謀共保
抱蒸黎獨念長百族喜心三握髮六街生事九迴腸時艱
未泯公當去徒苦吾人淚萬行

汗

一雨從容汗竟收歲華從此入深秋山河表裏塵初上天
漢東西水不流白骨青苔淚纏繞黃金丹藥死追求拔山

自古非容易尺二書中語盡頭

或傳摯父先生適冀州或曰渡海東矣苦憶成詩

離亂奚從問故交傳聞消息太喧呶桐鄉豈遂營生壙遼
海安能避覆巢遊宴八年悲喜盡湛冥萬古死生拋嗟麟
泣鳳皆虛語何物人間是愈郊

嘲吳彥復

蓬蒿鬱鬱豈能終枳棘榛榛所向第一日歡然逢旅鴈不
知依舊落蘆中

附輪往江西始發風雨大作船卽播搖不可當

誰道兩輪風雨纏緣江試浪已狂顛長艙空廓腹無有前

路漂搖心正懸小盜近人還作祟窮儒歷世總由天宵來
略仿孩提意正得酣然一晌眠

客言拳匪頗竄匿吾州或曰富有黨也雖未遽信心
竊憂之過蘆涇港因歸人寄弟友

風鶴流聞豈遽患安危從古在防閑獻儀九萬蓬沙似賓
客三千草露閒障海從容失天險過江嗚咽念家山臨門
不入胡爲者匍匐陳辭未忍刪

余此行專爲伯嚴遭父喪赴弔

讀史二首

輿無隄 東方朔傳

輿無隄東海之東西海西黃金白壁任汝攜遂極丹堊營

棖題目有所侈心神迷直戮麟鳳如犬雞任意撻伐羣皇
低京師喧喧戰鼓鞞倉皇萬乘親塗泥潸然淚下聞烏啼
今我乃在臣民棲臣朔昧死言誠哉輿無隄

功無原

王莽傳

功無原身都將相不可言遂參宰衡貳至尊天下有急哀
王孫生民死心戴厚坤何哉一日齊崩奔薄海內外傷心
魂披髮大叫天無闔千齡萬代無茲冤方知彼媚子泛攬
徒貪恩陳崇爾何知誠哉功無原

和愛滄贈洪蔭之詩三十七韻

閏八月北征杜甫以詩哭今我益飄微天南與馳逐江行

一千里揜遏未送目不忍喪亂餘見此承平福瀕行攜君
詩愁來把之讀含靈必不安毋曰爾我獨生民固當哀賓
旅義須睦方其達權時迂生拜且祝亦云行奮揚不耐坐
頻顛久之寂無聞眼中換陵谷君側古所難當吾亦羞縮
機有窮而生事有變之速大哉何生言一語轉坤軸劫遷
吾皇者大小盡可戮提兵必元宰從驅盛羣牧轉輪屯荆
襄灑掃待黃屋日出羣陰消雷聲四夷服胡然再不圖倉
卒求歸宿嵯峨挾虎衛屑碎用雞卜恐其遂益災豈徒笑
緣木羣公亦有言吾今誚管叔聖明豈在多著語定含蓄
甯知薄海讎堂堂正心腹洪生亦有言吾今方削牘付茲

一个臣儻無惜令僕激切當天心庶以救顛匍哀哉時已
過焉用再三瀆我語二君者凡今宜韞匱立黃故未交純
陰在初六天方晏且溫地有反乎覆亂繇十年數吾已計
之熟大命如將傾挈家並沈陸不則傭自全餽盡繼以粥
商山無華芝空谷有修竹慎勿輕投軀彈珠向飛月平生
所經歷朗朗列圖幅不識京華門何從憂輦轂

九江遲船悵望伯巖

壯日吟朋呼嘯處卻扶衰病又經過國聞家事皆拋撇離
合悲歡一刹那雨不入江秋水淺樓剛出市夕陽多哀來
獨眺西山友濡滯依然奈爾何

偶書車丞相王章亦無聊之極思

雪消冰解一言中貴壽從容報亦豐
試看收威暴公子依然一芥斷西風

皇天老眼未全殊獨歎王章一省無
畢竟妻兒還郡日報之萬斛海南珠

月食

月食不以朔日食不以望青天何物來推求
亮知狀漢儒好深思不應踵虛妄亦云帝皇貴
庶獨天與抗女禍毋浸淫三公絕驕亢爲利苟
若茲宜其百世尙茫茫大塊閒重昏人迷障
迄無堯舜明厥惟勢衰王何代無賤儒談多不

必諒根鳳定無虞許班或深創安昌與博山酣然白頭相
我昨窮呼天天言此其儻縮手終奈何百方祇惆悵

九江登舟照水有感是日齒痛尤劇

江水載船船載客公勞跋涉爾何人心神憔悴何論貌齒
病浸淫欲到脣卻飯不妨饑屢屢受風奚以嚏頻頻人間
徹骨捐除者念我惟應有一陳

出門所遇多京師間道流落不堪之人舟中連榻一

人談尤痛

徑從海角揚帆過誰肯紆迴路幾于今日子身流落者多
言間道死傷邊豺狼異域紛當戶鸞鶴中朝盡化烟草莽

微臣百不曉祇知昨日是堯天

鄱陽湖中感念昔與內子同吟寫詩寄與益悲思外

舅

湖山自明秀雲日儘從容惟有往來者如分今昔蹤人間
屬喪亂母氏待殮饗撫此微吟會嗟無妙侶從皇天資老
大白首與橫縱愴若翁之德千秋不再逢

臨入湖口眺望

蕩蕩秋天且散懷上窮湘漢下江淮愁聞詩料添猿鶴喜
見人烟沒虎豺吾願一言過李息世無三疏問王涯西山
卻有晴廬在安得湛冥百歲偕

抵章江門投詩張筱泉方伯

昔游今狀舉難陳
眉壽勳名屬世臣
帶郭帆檣聲近市
涉江絲管氣如春
堯都近有巡方費
漢柱應須主計人
篠蕩瑤瓊眼前事
儻無餘暇更延賓

贈張篤生昆季

富平家世兩郎官
只待鵬風萬里搏
不意君門長荆棘
更來子舍作芝蘭
前時始識瞻由會
記否高文瑜亮看
老病摧傷百無似
強顏一問過庭歡

讀嚴朱吾丘主父傳

嚴朱吾丘主父倫
不求五鼎亦忘身
可知避病空居者
未

范仲子詩集卷十四
三
算尋常行路人，悔弄富兒裁。自脫俳優公，等太無因。楊雄亦
亦是傷心客，何怪低頭鄭子真。

西山靖廬弔伯嚴悲思右銘姻伯作傷秋五首次韻

杜甫傷春

秋色已如此，山光正爾濃。天高有晴雨，野僻祇豐凶。江海
烽千里，京津寇萬重。還虞孔道斷，仍缺尙方供。客子言紆
恨，貞臣死蹙容。誰將救時涸，雲裏喚飛龍。

鳳翮前時弱，天南託一枝。恩深與塗地，殃重忽連池。事往
餘身在，臣安念主危。大波平地起，雌霓亘天垂。法斃羣強
怒，邦崩萬象離。彌留深谷日，泣聽轉逶迤。

大國誅奸緩兵來不合圍言從兩宮去坐失百年機帝已
成奇貨軍猶擾近畿傳車紛送食持節復徵衣班豹全身
見蒼鷹老眼稀江湖日夜上令我亦無歸

不有英雄策何能權世真一匡先管仲六國後蘇秦束縛
悲天子顛連及貴嬪江河任東下車駕自西巡禍極生民
日免歸守土臣陳蕃至今在言語豈輕塵

麻衣相哭罷餘恨萬千多乍見郵中字還興室內戈望烏
無止屋歎鳳有臨河惻惻履霜操淒淒薤露歌窮鄉得蔬
米危塹倚松蘿不死且須惜看看睡夢和

於人扇頭見乙未春州南閱練勇時所題雙柑斗酒

二絕回首當時已成盛世感而疊韻並存之

綠楊陰裏試擎旗立馬江風著意吹終是角聲悲入耳不
如斗酒自聽鷗

問君識字何無患春至倘佯更不疑直去深村拚酩酊世
間理亂本難知

八風面面繞靈旗甲士雲屯畫角吹只得蒼鷹向空濶不
知深樹倚黃鸝

小方角觸已無效戰禱倉皇竟不疑莫辨諧臣有何術人
間秘事總難知

晴廬旁有豺食數人矣

世間甯少汝向客口呀呀昔所生吞者知其無告耶塵荒
山不綠雨至稻無芽復此那堪耐安排獵火遮

靖廬右銘先生歸隱處在其墓旁感而有述

昔我勳卿處喪亂一椽自署墓旁人嘗記小時上邱隴聞
之曠野泣忠臣今來塵榻已千古留與荒山作四鄰隔代
茫洋蕭瑟意貫穿吾欲勒貞珉

望西山

長啼淚亦乾殘日望西山
蓊鬱是何景怪奇殊未嫻
龍螭交壓伏彝鼎肅斑斕
作者揚劉氣宗臣馬范顏
雲霞斷烘託壑谷忘躋攀
遂與天微異應趨海不還
茫然下弦月何

以照人寰

寫西山色

只道青山青不極甯知勝賞欲無窮丹華杳與晴曦濫紫
氣沈爲暮靄隆雨晦更成純白體月明如入太玄中間時
亦作籠煙態遲日樓臺澹澹風

既作孝婦墓碣遂登前山觀所謂趙家塘者

晴廬所屏蔽摺疊萬峯齊試上前坡望方知近者低晴嵐
與迴合細草任攀躋路轉風能聚塘分雨可犁誠然舉目
快莫奈我心悽一撮黃封處將爲兒女棲

晤前護陝西巡撫李香緣示以請建陪都一疏頗自

惜其言之不用也

陪都一疏倘無留車駕西行百不憂墨經出門心未已素冠相對淚橫流文章糞土悲揚馬鉤黨紛綸痛李牛安得從容待君起多爲陝治發棠謳

晤徐次德以昔所爲方影圖索題蓋皆效余去影圖而屬馮君小白畫者甲午之役余薦小白襄衛汝成軍事遂去不復返而戲爲鬪影圖之閑伯亦死四年矣發圖感絕援筆遂成

昔我聊爲去影圖姚氏因之作鬪影馮生異日至天津徐君復以斯圖請爲方爲鬪亦何勞吾今一任去滔滔流連

蘇仙三言集卷七十四
杯斝青陽盡彌望郊原白骨高馮生莫知死何處姚氏硯
墨歸兒曹人間七年愈何世重在章江把君袂情話雍容
足散懷圖書一發紛紛流涕誰歟棒佛放悲音惟有去來無
見今權時把玩渾無術獨抱涼涼萬古心

次德以椒丈歸廬譚往見示戲題二絕

王侯歷抵不知年頭上腰閒並缺然莫笑寶山空手反譚
餘君看腹便便

臺諫紛綸巷議多誰從此老細研摩平生亦有胸中塊欲
吐深愁起大波

贈摯甫先生之兄子長文

世路雖云百倍難相逢忍作主賓看果然尙守吳公舊居
此猶憐范叔寒別後諒能崇至教亂來何處著微官僧房
數米從今始歧路相拋老淚彈

閱女壻陳師曾諸近作

至其畫菊爲吾女遺照而題四詩潛然有述

譽汝詩文至悼亡人間無有此情傷徒緣罔極呼天痛更
爲同懷引恨長細妹之早逝更痛於菊兒遂以鴻毛淪我愛不圖麟角
爲茲狂秋心不與穠春謝從此東籬歲歲芳

因感傷細妹作一詩以自警

平生痛絕無言處過後遺亡行路同不若平心就中制勤
勤毋以惰成空

師曾之友蔡公湛感慨時事屏棄舉業投詩問學於
我次二首以答極道傷心之語不敢欺蔽少年也
遊人屈伏屋廬底高閣滕王不敢瞻苦憶中原就塗炭喜
聞後輩有沈潛鯨吞鼉作君無異虎嘯龍吟氣正嚴要識
吾人真猥獯甫能卽事下鍼砭

文章韻事終無讓何況昌黎與子瞻卻有一番釐訂在不
教萬智此中潛明明絲粟真而習赫赫尊彝性所嚴要與
窮觀百年後儒生劇病始能砭

九日

登高望遠昉何年而我於今足不前節遽祇堪偕送日蓬

飛無力再浮天思親可但滄江上憶弟甯徒青岱邊遍把
神州墮煙莽擁衾猶覺淚如泉

有人招登高飲宴不赴

九九定爲何等節三三五五一般能盛時觴詠多如此末

世干戈見未曾早計不逢新建伯前游翻憶大顛僧

前年廣州

重九登白雲山與能仁僧久談東南盡付昏庸手約束雖堅禍恐仍

別張篤生江子嘉

頻因弔問添游覽還以亂離成合并元伯故人知我者文
通薄宦可憐生江湖片壤猶能國風雨重陽欲滿城但可

勤襄父兄處勿於慣客惜勞征

南昌令江雲卿子嘉兄也

奴述

螭車轍蟬樹萬古應無一倖存笑爾深心欲撓我千
回百轉實人言

敬題婁賢妃所書屏翰二字

藩署故甯王府也字在門楣

婁妃不與甯王逝大字輝輝在戟門想見扶攜宮婢日暗
思採掇聖人言於今朱氏無炊火何處青天著墨痕女德
萬年看不厭撫膺百感淚渾渾

贈羅邠峴

纔從別傳徵先德復以來賓見此奇不作波瀾寫聲勢一
襟如海少人知

祇以吾甥君外甥同舟相泛若爲情等閒鷗鷺成鉤黨何
處天涯求友聲

吾弟昔從君弟游廬山詩句各清道今朝兩老推蓬望五
老平添一段愁

迎面蕭條正北風憐渠瘦影月明中孫郎帳下誰奇雅王
粲西來遇亦窮

伯嚴卒哭同行舟中有贈

憐君似我無根蒂仍向江山淚眼開雲物徒供一身老干
戈更殺百年哀蓬風捲髮垂垂盡蠟炬燒心寸寸灰作述
從容要三世賸容泣導後生來

理州府(印) 卷之二